

譚友夏合集目錄 卷二十一

嶽歸堂已刻詩選

五言排律

茂之孟和至湖上作

二夏邀遊雷山十韻

住伯救家檢校唐詩訖復過京山

客雷何思太史故宅見伯敬理其後事感而

弔之

德山

方廣路

秦淮五日賦得投詩贈汨羅

寄曹能始閩中

自天開巖千佛嶺歷中峯下飲池邊兩月相

代作

八月會詩呈別李長蘅王季和嚴印持陳亦

因鄒孟陽聞子將嚴無勅諸兄弟兼懷嚴

家忍公往餘杭吾家諸弟在寒河

又客白門賦得欲歸翻旅遊

承郡使君葉公玉壺徵及近狀寄謝十二韻

己未除夕王明甫留寒河與予兄弟守歲

喜得袁六述之書

泊江夏晤諸故人作

重過鄒彥吉先生惠山園

李本寧太史之任南太常八韻

七言律

將移往幽處留示同志

答友人

遊徐氏西園同林子丘茂之

尤時純見訪

同康虞諸子遊靈谷寺

復雨示伯敬

登白龍寺閣

山夜聞鶉（同諸子分韻卽成）

伯敬將還朝始同孟和茂之往湖上

庭前冬草同諸子詠

馬巽甫書至以湖山草元白集見寄感而有

懷

誕先新置一樓客予

尋葛更生不遇

黃美中姚長虞置酒雙峯山待予九峯遊歸

六月一日同二十九舅諸弟對雨生寒喜魯

幹率至

九日與伯敬居易在玉泉

飲朱公西齋起步樹月下

至辰州呈蔡敬夫使君

漁仙寺

嶽路

出方廣路

叔靜月夜舟至寒河

無易先生下訪寒河談至月出始去

答劉濟甫黃美中陳沂公龍明白四子見憶

哭西安徐無疾子卿先生長公也

其二

上蓼頂

從頂下澗作

俞伯彭芥圃作（同康虞子丘彥先茂之居

易）

答贈魏定如儀部

過青海王孫水榭同其令弟渤海舟還

周大司農明卿留飲示以新詩奉贈

七月十二夜宋獻孺招泛烏龍潭（同景升

伯敬止生予茂之）

懷楊修齡先生

初至西湖

過張文寺園看月（同宋比玉）

過贈陳司徒正甫先生

孟誕先冷光亭看西山殘雪

伯敬過園中

王修微江州書到意欲相訪詩以尼之

七月十五夜同諸弟蓮湖作

慰服膺弟喪女

濟甫至寒河予以事卽入鄂令諸弟留之

伯敬闕歸屢至寒河別去江夏寄贈二詩乃

有此和

聊友夏合集 卷二十一 目錄

譚友夏合集 卷二十一

嶽歸堂已刻詩選

竟陵 譚元春友夏著

五言排律

茂之孟和至湖上作

晴遊仍雪汎。從此度朝昏。壤道行多里。貧家住一村。馬兼舟並用。湖與河相吞。有賴情文古。無慙風俗敦。入廚勤老母。愛客導諸昆。賁主非常調。悠悠同入門。

二夏邀遊雷山十韻

不後西山色。西山較得名。林丘多用晦。蟲鳥亦含貞。樹點知淵沒。簪安見水平。扁舟樊口夾。野寺嶺腰橫。別有塘分谷。旁通徑入城。無心遊止逸。回首往還輕。峯外孤烟立。江中落日生。老僧歸未息。一棹夜鐘聲。

住伯敬家檢校唐詩訖復過京山

在家君是暫。思與共秋蔬。百里何勞隔。一窻相對居。看多天下士。來論古人書。搖筆門庭肅。開心固陋除。勿嫌同或異。常恐密翻疎。仙佛精神耀。賢惶準則如。既須存豁達。亦以戒孤虛。解者須之後。勤焉慎厥初。聚防離悔恨。歸勝出躊躇。坐到畫簾客。行非鶴即余。尋山從此往。光彩不無餘。

客雷何思太史故宅見伯敬理其後事感而弔之

歷覽真奇士。情惟我友敦。與君雖不識。聞此卽爲恩。殘墨散親故。遺文當後昆。母腸霜露裂。師道日星尊。竹

石無心好。池塘有數存。世添君子歎。非待衆人論。所見曾題壁。何須昔在門。正如觀往史。氣結不能言。

德山

維舟無所住。深入亂雲間。江水高僧性。梨花古佛顏。塔靈抽寸寸。周金剛自言。塔長三寸。吾當再來。今一寸矣。碑晦想班班。祕密聞幽鳥。威儀見別山。穿筍不願盡。烹蕨有時還。移步孤峯下。如同樹影閒。

方廣路

異幽難測識。古路自多驚。深錄搖靈魄。空青蓋衆聲。山登如水汛。地暗雜天明。曲直度千劫。高低分一泓。鹿禽入共道。花草樹同生。如此十餘里。難言有限情。爲冥常是夜。夸是幸而晴。梵火濃陰裏。何僧不可清。

秦淮五日賦得投詩贈汨羅

赴淵辭未畢。不忍此心愁。已過千年事。何須代者憂。羣然歡出觴。勉矣靜同修。哀樂原爲繼。形神莫再口。一言聊舉似。隨地可相投。非必節臨五。敢云湘始流。牢騷君旣足。寄託世焉求。良夜清淮上。夢寐當有酬。

寄曹能始閩中

每過匡廬色。作君鄉里看。家山仍莫舍。野水自相安。手注十洲記。神營一釣竿。生來風翠福。歸去菊松歡。羣匪從人說。游將往自觀。亦如閩海熱。猶畏嶺霜寒。舍思君同久。寄書予頗難。荔枝秋瑟瑟。終欲就林端。

自天開巖千佛嶺歷中峯下飲池邊雨月相代作

斜陽倒深壑。光影鑠金珠。人力生千佛。神工開一隅。平裘搖遠盼。升降效微軀。竹密僧邊路。花紅物外區。野江秋淼淼。靈雨月瞿瞿。池坐歌常定。門扃磬易孤。有時亦獨往。何處似相呼。衣濕空山翠。悠悠靜夜徂。

八月會詩呈別李長蘅王季和嚴印持陳亦因鄒孟陽聞子將嚴無勅諸兄弟兼懷嚴家忍公往餘杭吾家諸弟在寒河

此會留余久。歸雖緩亦甘。似知無結習。相誘到瞿曇。以志忘殊里。借舟成野菴。主賓期有益。網獵自生慚。今夜冬山影。明朝客路含。燈高霜不落。絃罷水初涵。子舫猶難別。爲朋何以堪。數家兄弟。曩遠思。勤湖南。

又客白門賦得欲歸翻旅遊

上馬寧非路。見舟因起情。裝移嫌故國。刺減念同聲。每雜遊人語。仍觀別者驚。形骸他處寄。肉骨寸心明。前月有書到此。番無意行。卜錢知未有。敘是舊時荆。

承郡使君葉公玉壺徵及近狀寄謝十二韻

一從山澤好。叩友渡邊呼。敢謂勝情有。自知長策無。驚魚聞罟急。閒鳥見林趨。逃雨雨盈野。放雲雲過湖。使君頻致惜。長者自當殊。訪道黃兼老。留心狗與屠。謁寧煩草芥。問卽寵孤蘆。清靜真能蔽。形骸安肯拘。已無裾可曳。幸此杖相扶。白社慚前輩。青溪似小姑。如泡終幻化。惟谷且躊躇。知己腸猶在。難言性太孤。

己未除夕王明甫留寒河與予兄弟守歲

並無兒女念。來此聚塲東。明旦予當拜。故人君不同。先靈萬卷內。天意兩年中。出久欣初返。情高肯共窮。舟車心又始。海嶽氣難終。燭得茲宵滿。杯非往日空。家閒筵事缺。村淺鼓音通。吾弟更闌去。方欽落落衷。

喜得袁六述之書

酬答眞煩事。厭人頻致書。此書殊不爾。所奇是開予。文事君家有。素心先哲如。躍鳴無足羨。弓冶特其餘。同是水邊住。何妨相傍居。殘陽口口久。恐此意成虛。

泊江夏晤諸故人作

兩年離此地。一泊見深情。未免尸饔事。俱停洛誦聲。止觴言暫負。閉戶計難成。益有翻如損。虛懷肯妄盈。引看殘瓦雪。或納遠江明。文事春消息。香才夢志誠。予往年客江夏。夢香才二字。酬知惟自重。寡過荷相

旌。不是因予出。徒令楊柳生。

重過鄒彥吉先生惠山園

冬深與春晚。兩度見枯榮。記得前年到。冰霜非此情。重來青不隔。久坐翠如輕。貽背人天供。鷗心主客并。肉絲留運數。苔石厚總明。步緩移山氣。廊迴通水聲。一堂堪數日。後谷可前楹。雨去澗彌有。烟消塔始生。空冥迷舊鶴。杳靄長初鶯。載此高深往。知無幽獨驚。

李本寧太史之任南太常八韻

黃髮盈朝日。寅清託豈微。英君譏失志。良史節無譏。神自周千古。腰新長一圍。老成能夙夜。孤立肯從違。名姓山河借。鬚眉雅頌歸。秋雲著舊色。江月上卿衣。傭販爭相問。賓遊欲再依。似因文獻缺。物望答南畿。

七言律

將移往幽處留示同志

招搖多在板橋邊。寶鴨銀箏十五前。野水乍生船弄月。諸峯不動柳殘煙。繁華事作寂寥想。今古人如新舊年。將欲掩關心未了。一留詩問到諸賢。

答友人

再過桃葉水初生。與子朝朝暮暮行。雪女歌應憐句好。秋娘妬不待粧成。紙鸞牽落歸雲鳥。畫鷁驚飛戲柳鶯。卜得幽居漸深入。君來莫話此中情。

遊徐氏西園同林子丘茂之

新主倥傯鎖舊園。小童遮大爲開門。潭邊白影交紅影。石下松根臥藥根。幽徑全忘城裏住。山房尙自國初

存。好遊從此無期約。任意來行祇莫喧。

尤時純見訪

與我年年姓字通。傳君事事古人風。掀髯一見春光駐。捧腹千迴夜漏終。桃塢晴雲分竹嶼。柳塘新水問瓠宮。相留稍住華林館。長送江帆細雨中。

同康虞諸子遊靈谷寺

出關途徑已經奇。難測幽深到轉遲。澗水荷香殘雨後。寺門松影細風時。因臨古殿侵涼氣。除坐僧房抱遠思。爲語同遊閒眺者。高皇典則盡如斯。

復雨示伯敬

已除山下亂流聲。又聽前山未肯晴。葉再經風無可落。麥須頻雨始能生。問知蹊路高低溼。來見橋梁大小橫。也自曰歸歸不得。行行且止異常情。

登白龍寺閣

偶遊荒寺將窮處。一閣高深出自然。村鳥不飛紅樹外。行人半在綠溪邊。寒通遠里無非旭。冬溝平疇但有烟。欲豁南來山水目。此中風物不須全。

山夜聞鶉（同諸子分韻卽成）

寂歷空山何所聞。寒鶉離樹不離羣。東西南北皆來宿。雨雪風霜若有云。萬點淒涼從此遠。一聲哀樂向誰分。同時聽罷憐孤客。是物含情可似君。

伯敬將還朝始同孟和茂之往湖上

匹馬輕裝不計遙。來如驟雨去如潮。齋前竹樹閒時共。山外陰情寒裏消。我所思兮人已至。子將行矣客當

遊村家酒是重陽熟。與逐溪禽過野橋。

庭前冬草同諸子詠

冬氣先從潮上寒。草根何幸託閒庭。茸茸一任林霜落。寂寂長無野火經。袖手人誰分款坐。驚心客似在離亭。別將幽澹開天地。節候翻如向此停。

馬巽父書至以湖山草元白集見寄感而有懷

談兵下筆肯誰如。近往江南何處居。寄我湖山三歲草。損君元白一函書。頗須從衆嘲難止。貧不依人餓有餘。記在東園繡瑟發。精神落落到門初。

誕先新置一樓客予

愁我遊多屐或難。好秋涼月意相關。有樓能致朝昏色。無檻不收遠近山。欲列奇書居穩後。早移行李話深閒。主人時向林塘笑。煩爾清幽滯友還。

尋葛更生不遇

長安寄語未相聞。舟過江城自問君。信步不知何處往。遠心猶肯與誰羣。閉門全有山中意。向客欲分衣上雲。素侶從來無幾見。因思世法太紛紛。

黃美中姚長虞置酒雙峯山待予九峯遊歸

負却遊山約已非。猶能待我自山歸。召陵秋露先生履。誕先有見予履穿詩。泉氣寒通客子衣。所遇惟松無落葉。相將有雁共斜暉。九峯信宿雙峯憩。品罷烟雲又掩扉。

六月一日同二十九舅諸弟對雨生寒喜魯幹季至

寒暑近來多失期。卽如今日怯涼颼。聞蟬野館空亭外。下馬輕雷密雨時。筆硯影清一門戶。桔槔聲歇幾塘

陵。與君談到斜陽出。收盡陰森大有爲。

九日與伯敬居易在玉泉

豈意登高如此清。重陽何止愛其名。錢依寒寺藏興廢。葉下平沙聽重輕。高爽能飛四時雨。蕭森不學衆寒晴。閒心一意尋泉去。尋到源邊月亦明。

飲朱公西齋起步樹月下

東齋松竹西榆柳。西較寬閒月滿衙。光欲照人先照地。影能生樹并生鴉。常兼勸勉無浮譽。雖有源流莫定家。獨向霜風露酒意。安知去郡不天涯。

至辰州呈蔡敬夫使君

使君來時顏闔來。褰裳相待復相催。四經蒼雪山如閉。九過寒城門蚤開。師友勞生無歎息。君民異數許徘徊。青鞵使欲尋蓼去。後往知能鑒不才。（曾有境內所當謁公兼蓼上山之句）

漁仙寺

竹外藤邊探淺行。近來焚剪得山情。纔開古洞禽知路。盡復禪居虎夜鳴。泉道冷然離磴去。石梁奇絕爲樓生。細將理數分興廢。更上一峯春水明。

嶽路

冥然近遠不知分。消盡閒游舊見聞。鶯外松聲有時歇。鹿邊花氣自相薰。田高野路過蒼水。嶽露旁峯破白雲。漸覺驅車入物外。世間亭午卽斜曛。

出方廣路

溶溶水木澹多思。長歎聲如良友離。素蝶黃花春盡日。暗泉深樹雨來時。將橫石上過馴虎。欲溼橋邊立子

規。去住飄然吾夙昔。白雲生滿上山遲。

叔敬月夜舟至寒河

一河涼月是秋痕。維爾輕舟疎柳存。露氣行來分夜酌。鐘聲斷處聽敲門。別經年隔添亭子。語接天明留病根。光影請從簾內察。密疎俱可洗心魂。

無易先生下訪寒河談至月出始去

詩過黃初誦數章。自將行止發幽香。扁舟所渡肩輿簡。十畝之間落葉光。晴午臨河紅就溼。涼宵渡月白爭霜。重來若補燉煌事。昔別依依問草堂。

答劉濟雨黃美中陳沂公龍朗伯四子見憶

莫用彈文日日驅。素心遐氣亦差殊。慈親漸老無多望。執政方嚴敢亂吁。時挺漁父迎野客。舟分燈火與浮屠。避人猶吐冰霜句。傳到君邊不可無。

哭西安徐無疾子卿先生長公也

酸風惡浪怕經患。久矣魂牽一病危。別院草中香藥處。山菴柘下裕衣時。噓人剪剪如仙向。筆意深深學父爲。能不羨君烟鳥散。總無相妬與相知。

其二

雖然賴有鍾期在。頗解餘音是此人。還越遂爲青草塚。悲君只似落花晨。情纏往日朋儔事。夢遶他鄉祖父身。識盡人間無一味。再來何可踏秋塵。

上蓼頂

松過十圍曉亦昏。萬峯相次不相存。回看來路驚人險。漸了層巒兒女尊。藍笋通天雲入谷。香爐插澗石爲

門蒼然霽色。鴉飛去。春氣沈沈何可言。

從頂下澗作

無杖無輿一野身。徐窺坦步自情親。日星所照皆能曉。杉檜雖青不爲春。在僻樵蘇應見道。最高鐘磬亦傷神。山禽弄羽精靈內。猶有人間學獵人。

俞伯彭芥圃作（同康虞子丘彥先茂之居易）

所謂伊人在此。薄夏雲無事落餘陰。高林盡作悠悠勢。止水能生一一心。悵矣開簾向魚鶴。永然憑閣想清深。雖知不是僧居住。童子微知烟磬音。

答贈魏定如儀部

八載重逢同里顏。蕪湖水氣秣陵山。詩能念我今羅網。熱不因人素往還。弄子笑啼羣務在。課僧鐘磬一官閒。出江蘆葦蕭蕭夜。卽報君知覺意關。

過青海王孫水謝同其令弟渤海舟還

疎林面面有村光。日見鐘山影在塘。夏水夏雲兄弟朴。荷風荷露主賓香。似聞茶沸因尋竈。時得鶯啼只遶堂。園好自然明月入。忽驚初照是歸航。

周大司農明卿留飲示以新詩奉贈

每羨吾鄉古道垂。白門相見學威儀。安危未肯忘桑梓。肥瘠非徒倚蘭絲。漢水流來閒綠野。鍾山秀處照龐眉。冰盤六月涼猶小。拜誦清風吉甫詩。

懷楊修齡先生

一詩曾寄到園林。三載懷中未報音。聞議沙場徒氣塞。若歸原野本情深。德山風雨吹秋舫。穿石雲濤漲古

琴。聞却此人邊事急。明君何可但無心。

七月十二夜宋獻孺招泛烏龍潭（同景升伯敬止生子丘茂之）

夜夜潭光不盡然。即今流止已非前。雲霞落水紅生浪。章樹依岡綠到天。遙散漁燈先照閣。未殘荷葉尙留船。風涼月好俱朋侶。莫道良儔祇坐邊。

初至西湖

湖水蔭山山氣搖。娟娟蔚蔚與秋遙。孤舟疎聽行千古。新月留魂照六橋。客少波閒難此日。材空草冷易爲宵。泛觀流覽兼葭外。澹爾冥茫無可消。

過張文寺園看月（同宋比玉）

路由松竹落山空。尋徑登城塞信通。明月纔生卽在水。殘陽不了尙留紅。幾人氣落高天外。一片光深小閣東。已是將歸歸思少。愛他冬夜與秋同。

過贈陳司徒正甫先生

今古情豪海嶽情。出階魚鳥不相驚。欲師至德嫌奇譽。益歎前賢邁後生。憩寂松間三昧活。寄愁天上六經爭。此疑難決深年載。潔已從君洒掃明。

孟誕先冷光亭看西山殘雪

春初雪事動精靈。晴引輕寒入小櫺。看日山烟能不散。出江溪水未遑甯。聲存流濕餘羣響。林祕高光結一形。羨爾當時心目向。遙情野思共泠泠。

伯敬過園中

與君尋徑致君疑。橋上草堂君不知。花柳殊光緣物化。禽魚一暢若人爲。頻添水土生閒日。漸作鄉鄰爲老

時且坐春風簾影內。七年魂夢正如斯。

王修微江州書到意欲相訪書以尼之

無言無思但家居。僮婢悠然遂古初。水木橋邊春盡事。琵琶亭上夜深書。隨舟逆順江常在。與夢悲歡枕自如。詩卷捲還君暗省。莫驚慚負上匡廬。

七月十五夜同諸弟違湖作

別將聲影寄幽涯。小艇人人可自擎。若爲新秋添野水。天然明月下荷花。此身香出三生外。無事情高五里家。少取榮名應得老。弟兄門巷各漁車。

慰服膺弟喪女

性本端凝豈易驚。亦從愁恙試平生。夢中墜瓦消人累。空際飛花澹爾情。織案雖嬌亡則已。金鑪太慧畜難成。笑予求出憂歡外。猶向中宵理歎聲。

濟甫至寒河予以事卽入鄂令諸弟留之

似茲賓主可無論。君泊舟時我出門。正值空簾桐雨落。全留野戶竹香存。丹鉛所祕私嘉客。魚麥無多輔衆昆。肯待歸來驚亦老。架西橋北淨心魂。

伯敬聞歸屢至寒河別去江夏寄贈二詩乃有此和

好移閒步步。清暉開徑添。茆久望歸。冬早秋如因。聞在塘空月亦照。霜飛氣連砧。搗俱流水聲。過樵蘇只野扉。堅住不知君。是客似予相。值與依依。

其二

欣然坐處是荒湄。竹木沿緣漸可遊。常易章名煩客問。每窺菴火愛僧休。月明岸水皆如路。年熟瓜芋各有

譚友夏合集 卷二十一

丘。我設柴車兼木榻。君來尙治一輕舟。

三〇〇